

華

陽

集

一





華陽集

(一)

王珪撰

本館據聚珍版叢
書本排印初編各
叢書僅有此本

華陽集目錄

卷一

樂章二首

七言古詩五首

七言長律一首

五言古詩三首
五言長律十首

卷二

五言律詩六十七首

卷三

七言律詩六十二首

卷四

七言律詩四十三首

卷五

七言律詩三十三首

卷六

七言絕句二十首

帖子詞宮調歌附一百六十四首

卷七

奏狀三十三首

卷八

劄子三十六首

卷九

表十五首

卷十

表二十八首

卷十一

表九十一首

卷十二

表三十七首

笏記十首

卷十三

內制三十六首

卷十四

內制四十七首

卷十五

內制六十二首

卷十六

內制三十九首

卷十七

內制五十六首

卷十八

內制六十五首

卷十九

內制七十七首

卷二十

內制三十九首

卷二十一

內制三十九首

卷二十二

內制四十三首

卷二十三

內制四十八首

卷二十四

內制一百一十一首

卷二十五

內制三十四首

卷二十六

內制三十一首

卷二十七

外制三十首

卷二十八

外制四十一首

卷二十九

外制四十四首

卷三十

外制五十一首

卷三十一

外制四十五首

卷三十二

冊文五首

祭文四首

祝文六十一首

賀詞八首

卷三十三

問二首

議十三首

卷三十四

序五首

啓三首

卷三十五

神道碑四首

卷三十六

神道碑三首

卷三十七

誌銘五首

卷三十八

誌銘十首

卷三十九

誌銘附墓記十七首

卷四十

誌銘附墓記 十二首

臣等謹案華陽集宋王珪撰珪字禹玉成都華陽人後徙舒舉慶歷二年進士第二授大理評事累官翰林學士知開封府兼侍讀學士神宗時拜尙書左僕射門下侍郎哲宗卽位封岐國公卒贈太師諡文恭事蹟具宋史本傳其功業無可稱晚居相位與蔡確比而沮司馬光尤爲物論所不予然其文章則豪贍瓌麗自成一家掌制誥者幾二十年朝廷大典策皆出其手氣象閑達詞筆典贍足繼二宋後塵故王銍謝伋陸游楊萬里等無不稱之至其詩以富麗爲主故王直方詩話謂當時有至寶丹之號要其揆藻敷華細潤熨貼精練處實復不少正不獨葛常之方回所稱明堂慶成上元應制諸篇爲工妙獨絕也原集一百卷陳振孫書錄解題宋史藝文志著錄皆同然自明以來久已湮沒宋文鑑文翰類選等書僅載其文數首今從永樂大典各韻中裒綴排比所存詩文尙多其中青詞密詞默詞醮詞齋文道場文功德疏及教坊致語之類均非文章正軌謹稟承聖訓槩加刪削重編爲四十卷用聚珍版摹印以廣其傳焉乾隆四十六年九月恭校上

總纂官內閣學士臣紀昀

光祿寺卿臣陸錫熊

華陽集目錄

八

纂修官翰林編修臣周厚輿

華陽集卷一

宋 王 珪 撰

樂章

皇帝冬至御大慶殿舉第一盞酒奏慶雲之曲。

乾坤順夷。皇有嘉德。爰施慶雲。承日五色。輪囷下垂。萬物皆飾。維天祚休。長被無極。

皇帝冬至御大慶殿舉第二盞酒奏嘉禾之曲。

太平之符。昭發衆瑞。爰有嘉禾。異隴合穗。大田如雲。既穫既刈。野人愉愉。不亦有歲。

五言古詩

白鷺亭

白鷺敞西軒。棟宇窮爽塏。千峯若聯環。翠色不可解。是時天宇曠。六幕無纖靄。金斗熨秋江。素練橫衣帶。乾坤清且斂。氣象朝昏改。蘆花作雪風。飛舞來滄海。九霄汀鶴起。萬里檣烏快。月上三山頭。烏沒橫塘外。蒼茫州渚寒。銀錯星斗大。開樽屏絲竹。披襟向簫籥。余生本江湖。偃蹇欣作會。清興雖自發。苦嗜亦吾累。魚龍憑夜濤。四面忽滂湃。安得犀燈然。煌煌發水怪。

和景彝誚扶出者

天子重論秀。待之以公卿。志士抱奇節。猶或場屋輕。學能苦自琢。詩書腹縱橫。胡爲懷袖間。挾冊角羣生。訶卒闕其旁。執衣來叩楹。狂狙就新縛。跳突哀且鳴。豈不念寒孤。顧有素令明。利祿非可苟。辱甚捨弗烹。來燕堂聯句

賢侯謝郡歸。從遊樂吾黨。林泉富餘地。卜築疏陳莽。是時春正中。來燕音下上。若賀大廈成。喜留衆賓賞。舉得名因笑談。揮墨案題榜。所夸賢豪盛。豈止池榭廣。人心樂且閒。鳥意頡而頽。吟罇敞花軒。醉枕酣風幌。脩輕雲薄藻棟。初日麗珠網。紅袂生暗香。清絃泛餘響。林深隱飛蓋。岸曲遲去槳。波光欄檻明。竹氣衣巾爽。珪虛容涼樾入。影與文漣蕩。晨颿轉綠蕙。夕雨滋膏壤。嘉辰喜盍朋。命駕期屢往。觴詠陶淑真。世俗豈吾傲。洙得以爲勝遊。蕭然散煩想。公子固好士。世德復可像。今此大基構。不圖專奉養。美哉風流存。來葉足師仰。絳

七言古詩

樓上述懷

空樓百尺江之滸。醉上凭軒懷故土。數鴻秋入衡陽雲。一帆暮過瀟湘雨。庾客傷心欲斷絃。文通別淚空橫柱。舊山幾畝林泉鄉。安得歸兮事農圃。

和永叔思白兔戲答公儀憶鶴雜言

兔自明月窟中出。鶴從羣玉峯頭下。人間俗眼未嘗窺。已爲兩家藏以詫。玉堂詞人本仙材。光芒偶落銀河罅。謫向埃塵五十春。所趣無一不瀟灑。爲愛霜蹄特皎潔。貯以雕籠綠欄亞。有時驚躑躅若犇。丹眸眩轉雙珠射。靈昌太守新歸來。惜將清淚寄京舍。玉繩低闕春露寒。常恐陰林惡聲嚇。傳宣忽出右銀臺。詔急許馳天廐馬。卻辭丹陛鎖南宮。兔鶴欲攜俱不暇。是時雪後簾幕明。燈火冷落入清夜。兩翁相顧悅有思。便索粉牋揮筆寫。有客月底吟影動。猝繼新章亦奇雅。大都吟苦不無牽。遂約東家看姪姪。醉翁良憤詆高懷。卻揮醉墨幾欲罵。我聞此語初未平。隨手欲和思殊寡。玉山滄海莫放翻。然歸。纖腰綠鬢何妨爲君倒金罍。

和梅聖俞感李花

朝摘桃花紅破萼。暮摘李花繁滿枝。客心浩蕩東風急。把酒看春能幾時。舞衣未放哀絃闋。鶉鴝欲鳴花影絕。將軍白首不功名。霸陵千古流青血。

和聖俞莫登樓

莫登樓。樓外華燈人競遊。翠枝威威六素蚪。鳴梢一聲從天頭。金爐煙開雉尾收。正見月射雙瓊鉤。半峯飛泉落驚漚。噓呵紫霧魚龍浮。絃清管高脆欲流。霜寒雛鳳丹山愁。臺上美人春風柔。舞腰回急寶釵投。

禁街特勅香車留。簾疏的皪排星眸。畫省宵閒空翠幃。束如窮兔離新罟。況驚白髮心悠悠。安復繁華事輕裘。寄言俠少誰爲儔。爛醉玉樓歌始休。

和敬叔弟七月十二夜胡伯恭園池對月卽事之作

小庭追涼月生衣。紅蕖靜對丹桂枝。凌波亭亭仙佩冷。弄香嫋嫋香風吹。百憂身世得一笑。二妙風流此一時。闌干獨夜發深省。憑詩寄與心相知。

五言長律

郊祀慶成詩

國重天之報。神歆德所存。孝須三后配。禮莫一郊尊。翠羽來千仗。鳴鐃下九閭。服維周冕盛。樂自舜韶溫。未酌羣靈降。先祠萬王彝。黃流凝夕禋。紫燄亘霄燔。星拱低宸幄。雲回護帝輶。祥輝新日月。佳氣浹乾坤。紹古歸鴻鑠。含生濯至恩。欽惟齋格至。仰福在元元。

又〔案〕集中有進郊祀慶成詩引狀二篇此詩與前首非一時所作

有宋乘炎運。于今邁百年。祖功雖不易。子聖自能傳。寶歷迎長至。神邱放大圓。靈宮千福降。清廟一誠專。翠仗鉤陳下。青城斗極邊。側班回衆弁。虛次待高煙。晦霧初宵斷。晴雲未曉鮮。天形何磊落。帝步亦周旋。麗澤沾魚鳥。休歌被箎絃。歡聲兼嶽動。和氣與春連。在昔開鴻業。斯民入化甄。監危常輿輿。受祉更乾乾。

此日膺神筴。孤臣老禁筵。願將成命頌。獨奏邇英前。

大饗明堂慶成詩

皇祐更秋律。明堂奉帝禋。棗盛雖薦德。霜露本懷親。於赫朝三后。無文秩百神。九筵交玉幣。重屋近星辰。邃幄留飄御。清壇墮月津。衣冠漢儀舊。金石舜韶新。受胙開宣室。鳴鐘降紫宸。羣陰光復旦。協氣斗回春。靈貺叢千祝。豐恩滲四垠。慙非老辭筆。徒學頌堯人。

依韻恭和聖製俯同太師文彥博玉津園賜宴席上述懷

上苑張瑤席。春風萬象新。誰知挂冠客。曾是釣璫人。感遇歸眞主。勳勞念老臣。曲成雙鳳舞。酒入百花醇。日月恩華滿。朝廷喜氣均。天章照黃髮。異數極君仁。

從駕至開寶寺慶壽崇因閣依韻和吳相公

崇因開寶構。金碧畫相輝。禁蹕隨曦馭。層城轉斗機。梵音獅子吼。妙相鵠王歸。洛水浮神篆。天花滿御衣。塔疑從地湧。棟擬入雲飛。上行乘今果。羣超悟昨非。慧珠常自照。法雨徧成霏。但起眞如念。梯梁即可幾。

擬試置章御座二首

睿聽來嘉論。憂勤政事昌。顯顯瞻帝座。謬謬置臣章。語切青規上。文留黼展旁。受言初拜禹。罪已忽興湯。進牘須盈几。垂衣豈下堂。只應千載治。危諫屬忠良。

君心圖治切。座置直臣章。密奏留中展。虛懷拱峻廊。聰明開二帝。道德勸三王。溫室焚初葉。丹帷緝舊囊。程書勞夜覽。造膝被天光。欲識憂民意。忠規不可忘。

采藻爲旒

皇祐五年
南省擬試

端展垂君治。顯昂十二旒。藻文兼組爛。玉氣若虹浮。體重宸居邃。仁深帝視收。珠光延外燭。星采會中稠。法服雖周盛。巖廊自舜遊。無爲格天下。涵德永孚休。

喜定號

憶昨懷君詔。章臺聽暮鐘。人從太微下。書自道山共。彩鳳看飛筆。長虹見吐胸。冤家成行對。謂對側理入。謂封腰封。謂封海闊珠難採。山輝玉易攻。別吟平樂賦。高第唱西廳。

題瑞芝圖

樂國芝呈瑞。賢侯貳郡時。甘棠方蔽芾。仙草亦葳蕤。異種傳三秀。靈華粲九枝。幽陰吐光怪。朽腐化神奇。美政邦人頌。嘉祥聖主知。特書輝史策。寵錫下天墀。治行能如此。公台到匪遲。誰爲燕許手。灑筆播聲詩。

七言長律

依韻和王宣徽奉安中太乙神像

太乙眞庭結寶壇。中涵元象本無言。三山波湧樓臺近。北極星環劍佩尊。歲入飛宮初在丑。神移列馭直